

Gvangjsih Minzczuz Bau

ganhhau: CN45-0036 B.2019 Nd.3 Ng.27 liggaueq geijhailh nienz ndwenngaih ngeih'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3367期

Swcigih Minzczunghvej Fat Dunghcih Iugouz Gyagiengz Hagsib Senhconz Doeksaed 《Aen Diuzlaeh Hong Saw Vah Minzczuz Vunznoix Gvangjsih Bouxcuengh Swcigih》

Mboengqneix, Swcigih Minzczunghvej fat dunghcih, iugouz gak si、yienh(si、gih) bouhmonz guhhong minzczuz cunghgyau dukcoi gak gaep gak bouhmonz gyagiengz hagsib senhconz caeuq gvancez doeksaed 《Aen Diuzlaeh Hong Saw Vah Minzczuz Vunznoix Gvangjsih Bouxcuengh Swcigih》(bailhaj genjdanh heuh 《Diuzlaeh》).

《Dunghcih》giengzdih, gak si、yienh(si、gih) bouhmonz guhhong minzczuz cunghgyau cietsaed daezsang diegndwn cwngei, yungh henhoh caeuq hwngfat gij minzczuz gvenhaeh bingzdaeng doxgiet doxbang huzndei, cukmaenh gij eijsik caezcaemh Cunghvaz minzczuz, saedyienh gij cwzyinganj、sawjminghamj haenq gak minzczuz doengzcaez doxgiet haengguh、doengzcaez hoenghvuengh hwngfat, cietsaed gyagiengz cujiz lingjdauj hong hengzguh 《Diuzlaeh》 mingzdingh cienvunz, doeksaed cwzyin, nyinhcaen guh ndei gak hangh

hong ngoenznaengz hagsib senhconz gvancez caeuq gamduk genjcaz.

《Dunghcih》iugouz, gak si、yienh(si、gih) bouhmonz guhhong minzczuz cunghgyau aeu dawz hagsib senhconz 《Diuzlaeh》 dangguh hangh yivu youqgaenj ndeu, dingh'ok gij fueng-anq guhhong cienmonz, guh'ok gij baijbouh guhhong cienmonz; aeu gaenxmaenh doidoengh dawz 《Diuzlaeh》 liedhaeuj gij neiyungz hagsib dangvej (dangcuj) cungsimcuj, gvihaeuj neiyungz bujfaz gyauyuz, coicaenh gak gaep lingjdauj ganbu hag 《Diuzlaeh》、yungh 《Diuzlaeh》; aeu yungh ban son'gyauq、ban yenzdauj、hoih naenghdamz daengj lai loh hingzsi, cujiz mizgven bouhmonz guhhong minzczuz cunghgyau caeuq bouhmonz guhhong vah minzczuz nem boux dungzci guhhong saw vah minzczuz vunznoix guh ciendaeh son-gyauq, cinjdeng gaemdawz gak hangh iugouz 《Diuzlaeh》, baujmaenh rox sug、yungh deng; aeu giethab

Cunghvaz Yinzminz Gunghozgoz laeb-baenz 70 hopbi caeuq binaengz “sam nyied sam Bouxcuengh” “ndwen senhconz minzczuz doxgiet cinbu” daengj ngoenzciet minzczuz hung, dajveh haiguh baenzdauq cawjdaez hozdung, cauh ok gij heiqfaenh naekna hag yungh saw vah minzczuz vunznoix caeuq gij vanzging yizlun ndei.

《Dunghcih》iugouz, gak si、yienh(si、gih) bouhmonz guhhong minzczuz cunghgyau aeu doiqciuq 《Diuzlaeh》 baenz gvanj baenz diuz doeksaed, baenz diuz gag caz, cienzmienh cunggez gij cingzgyang gvancez caephengz 《Diuzlaeh》 fatbousaed-hengz doxdaeuj haenx, cazra miz maz mbouj doh caeuq vwndiz, faensik yienzaen, daezok banhfap genyi. Aeu dukcaz sonyinx gak dieg gak bouhmonz nyinhcaen gvancez doeksaed gij cingsaenz 《Diuzlaeh》, daegbied dwg aeu gyagiengz dukcaz sonyinx aenyaenq baiz danvih、hoihbiu hoih youqgaenj、fukbaengzhoengz byauhyij

hozdung youqgaenj daengj gveihfan yungh Cuengh Gun song cungj saw. Doiq gij vwndiz mwh caephengz miz haenx, cinggaij ndaej aeu sikhaek cinggaij; camhseiz cinggaij mbouj ndaej, aeu dingh'ok gij banhfap cinggaij guh ndaej haenx, nyinhcaen guh cinggaij. Aeu yiemzgek ciuq hengzfap genjcaz mizgven iugouz, boiqhab Swcigih Yinzda Cangzvejvei guh ndei hong mizgven. Aeu cietsaed hengz cizcwz, gaenxmaenh caeuq dangdieg mizgven bouhmonz lienz-doengh, dawz hagsib senhconz caeuq gvancez doeksaed 《Diuzlaeh》 liedhaeuj yizcwnz lwnhsaeh youqgaenj, dangguh hangh neiyungz youqgaenj hozdung cauhaeb minzczuz doxgiet cinbu daeuj ca, cugyamq laebhwnj laebcaez aen gihci hong saw vah minzczuz vunznoix cwngefuj dungjcouz hezdiz、cawjguenj bouhmonz fucwz、mizgven bouhmonz boiqhab、gak gyaic ndawbiengz caeuqfaenh.

(Yauz Wnhmingz Vangz Yacangh)

Aen Siujcuj Sawcuengh Guhsat Hong Fanhoiz Vwnzgen “Song Hoih” Daengx Guek

3 nyied 3 hauh、3 nyied 5 hauh, Daengx Guek Cwngeiz Gaiq Cibsam Baez Hoih Daihngaih、Gaiq Cibsam Daengx Guek Yinzda Baez Hoih Daihngaih youq Baekging hai. Vihliux guh ndei gij hong fanhoiz vwnzgen “song hoih” bineix, aen siujcuj Sawcuengh Cunghgoz Minzczuz Yijvwnz Fanhyiz Giz goyongq capyouq Nanzningz, caeuq doengh boux lauxhangz Sawcuengh daj Guengjsae gak dieg ciq daeuj, ciuq gij dunghcih Minzczuz Yijvwnz Fanhyiz Cuj, 2 nyied 20 hauh caez naengh feihgih daengz Baekging.

Baez daengz dieg, daengx aen cuj cix sikhaek guhhong. Minzczuz Yijvwnz Fanhyiz Cuj daengxbuenz baijbouh, aen siujcuj Sawcuengh yawj seiz faenhong、aenqnaek faenhong, miz banj miz loh, ndaw cuj bouxbox cungj caezsim okrengz、baedrengz caez guh, gak hangh hong fanhoiz “song hoih” bineix ndaej swnhleih guh liux.

“Song hoih” bineix, aen siujcuj Sawcuengh hoiz le gij vwnzgen Gaiq Cibsam Daengx Guek Yinzda Baez Hoih Daihngaih miz 《Cwngefuj Gunghcoz Baugau》《Aen Fap Vaisangh Douzswih Cunghvaz

Yinzminz Gunghozgoz (Caujan)》《Aen Gunghcoz Baugau Cuigauh Yinzminz Fazyen》《Aen Gunghcoz Baugau Cuigauh Yinzminz Genjcazen》daengj caeuq fanhoiz gij vwnzgen Daengx Guek Cwngeiz Gaiq Cibsam Baez Hoih Daihngaih 《Bien Baugau Gangj Gij Hong Daengx Guek Veijyenzvei Cangzvu Veijyenzvei Cunghgoz Yinzminz Cwngei Hezsangh Veiyi (Caujan)》daengj, aen siujcuj Sawcuengh gungh fanhoiz le 30 lai faenh vwnzgen、30 lai fanh ci h saw, lij miz 10 ciengz doengzsing fanhoiz dem.

Ciuq cam rox, hoih hai sat le, aen siujcuj Sawcuengh yaek ciuq gij baijbouh Cunghgoz Minzczuz Yijvwnz Fanhyiz Giz, caenhliengh vaiq ok ceksa 《Cwngefuj Gunghcoz Baugau》(banj Sawcuengh) 《Aen Fap Vaisangh Douzswih Cunghvaz Yinzminz Gunghozgoz (Caujan)》(banj Sawcuengh) 2019 nienz, caemhcai q bwh gaiq hong saemj gij vwnzgen “song hoih” hawj Sinhvaz Vangj.

(Funghranz Sawcuengh Cunghgoz Minzczuz Yijvwnz Fanhyiz Giz hawjgaugj)



Sanhgyangh:

Yungh Va Guh Moiz Baij Fungcingz

Ndwen 3 ngoenz 23, Sanhgyangh Duncuz Swciyen Bazgyangh Cin Gveihling Cunh Mbanjlizgwngh banh ciet valeiz gaiq nduj “valeiz Mbanjdung·Luzgwngh engq gyaue”, vunzlai dangdieg yungh boq venz caijdangz、minzsuz cunz youz、baij hongdawz caeuq gwn ngaizhumx daengj fungcingz lai yiengh, yinx ndaej haujlai bouxhek daeuj yawjngonz. Ndaw doz dwg beixnuengx Duncuz baij hongdawz.

(Gungh Bujganh/龚普康)